



Lokale sprekingar på Nåsø – laurdag blir det spreke bergensarar å sjå der. (Foto: Kjell Yri)

**Fredag kveld kjem ei gruppe med 37 fjellsport-entusiastar til Uskedalen der dei vil ha basen sin i lavoar på Rabben Feriesenter til søndag.**

Dei deltek i ei fjellsportsamling som er arrangert av DNT Fjellsport Bergen og som har eit breitt tilbod om aktivitetar på laurdag.

Då skal 15 bli ført over Bondhusbren opp til Vinduet medan 11 skal gå Bjørndalstind-traversen i Rosendal og fem har meldt seg på til Ulvanåsø-tur. Sju skal padla i fjorden rettleia av instruktør.

- I dette opplegget skulle det vera noko for einkvar, meiner turleiar Birte Haugland. Arrangørane har marknadsført turen på Nåsø som "enkel topptur, der du kan gå sjølv med høgdeskrekk". Så spørst det om deltakarane vil seia seg einig i det etterpå.

Fjellsportfolka er mest bergensarar men det er også med to danskejenter som har gått brekurs og nokre andre utlendingar.

Søndag skal alle på Malmangernuten før dei reiser attende til Bergen – i same bussen som dei kom med..

Av Ola Matti Mathisen